

Datum: 22.5.2017.
Broj: 06-01/581

Svim medijima – dostavlja se

TI BiH dobio spor protiv RTRS zbog nedostavljanja spiska radnika

Okružni sud u Banjaluci potvrdio je da je Radio televizija Republike Srpske prekršila Zakon o slobodi pristupa informacijama, odbijajući da dostavi TI BiH ugovore o javnim nabavkama i spisak zaposlenih

Banja Luka, 22. maj 2017. -- Transparency International u Bosni i Hercegovini (TI BiH) dobio je spor protiv Radio televizije Republike Srpske, nakon tužbe koju je TI BiH podnio zbog kršenja Zakona o slobodi pristupa informacijama.

TI BiH je još u aprilu 2016. od RTRS tražio da dostavi ugovore o javnim nabavkama zaključene tokom 2015., Pravilnik o sistematizaciji, te spisak svih zaposlenih u ovom javnom preduzeću. RTRS je odbio dostaviti ove dokumente, kršeći Zakon o slobodi pristupa informacijama po više osnova, prije svega tvrdeći da se tražene informacije nalaze na internet stranici RTRS, iako je utvrđeno da one nisu dostupne, te ne omogućavajući TI BiH žalbu na donesenu odluku.

Sud je potvrdio argumente TI BiH i naložio RTRS da u roku od 30 dana donese novi akt, u skladu s odredbama Zakona.

Ovo nije prvi put da RTRS odbija dostaviti informacije o svom radu i poslovanju, iako je to, kao javno preduzeće i javni radio-televizijski servis, obavezan učiniti po Zakonu, te i u ovom slučaju ponovo pokazuje ekstremnu netransparentnost i neodgovornost prema građanima koji finansiraju rad ovog servisa. TI BiH napominje da su informacije o načinima utroška sredstava ovog preduzeća, kao i informacije o zaposlenima, od velikog javnog interesa, posebno u svjetlu teške finansijske krize u koju je doveden RTRS i velikih dugovanja prema zaposlenima.

Udruženje za borbu protiv korupcije Transparency International u BiH
Reg. No. UP08-07-1-616/11, Ministarstvo pravde BiH, Sarajevo

Sjedište: Gajeva 2, 78000 Banja Luka, Tel/Fax +387 51 216 369, 216 928, 224 521, 224 520
Poslovnica: Mula Mustafe Bašeskije 9/1, 71000 Sarajevo, Tel +387 33 220 049, Fax +387 33 220 047
E-mail: info@ti-bih.org
Web: www.ti-bih.org